



13. august 2010

UKA 2010/19

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matu-muuna saqqummiupparput:

**Kilisalluni aalisarnermi avatangiisimik ajoqusiisarnerit annikinnerulersinnissaannut suliniu-tinik aallartitseqqullugit Naalakkersuisut peqquneqarnissaannik Inatsisartut aalajangiiffigi-sassaattut siunnersuut.**

(Inatsisartunut ilaasortaqaq Kim Kielsen, Siumut)

**Tungavilersuut:**

Kilisalluni aalisarneq pissaqarnartuuvoq taamaattumillu piniutitullu atorneqartorujussuulluni.

Naluneqanngitsutut qalut amiliartuaartumik ilusiligaallutik qassutaasaapput, saarlisaartorsuillu sa-viminiusut angisuut atorlugit ammatinneqartarlutik, aamma qalut matuanik taaneqartartumik. Qalut kalinneqarsinnaasarpur angallammik ataatsimik marlunnilluunniit. Qalut assigiinngisitaartarput aa-lisagassanut assigiinngitsunut naleqqussarsimasuusarlutik.

Avatangiisip illersornissaa kissaatigigaanni – uumasut assigiinngitsut piujuarnissaat siunertariitiga-lugu kinguaassatta pingortitami pisuussutinik atuisinnaajuarnissaat aammalu nunarsuarimi niueru-teqartuarsinnaanissarpur eqqarsaatigalugit – pissutissaqarluassaaq misissoqqissaassallugu, qanoq i-liornikkut kilisalluni aalisarnermi avatangiisip innarlerneqartarnera killilersimaarneqarsinnaanersoq.

Kilisalluni aalisarnermi – sunik qalorsuarsorluni aalisarnerunersoq najoqqutaralugu – avatangiiseq innarlerneqarsinnaavoq malunnartumik immikkoortuni pingasuni:

1. Kilisalluni aalisarneq ikummatissamik atunerujussuarmut atalluinnarpoq
2. Kilisalluni aalisarneq pisarisuugaqarnerujussuarmik kinguneqarsinnaasarpur amerlanertigut i-ngiinnarneqartartunik aamma qaqutigootumik uummaannarsinnaasartunik.
3. Minnerunngitsumillu kingullertut: Kilisalluni aalisarnerup immap naqqata naasoqarnera uma-suaqarneralu annertuumik ajoqusersinnaasarpaa.

Marlunnik qalorsuarsorneq periarfissat arlariit ilagaat, nukissamik atuinermut annikillisaataasinnaa-soq. Pisarisuugaqartarnermik ajornartorsiut killilersimaarneqarsinnaavoq assiaqutanik immikkut sa-naanik ikkussuinikkut (qalut anginernik ningartallit) imaluunniit immikkoortiterivit.

Immap naqqata aserorterneqartarnera pineqartillugu bom-imik qalorsuarsorsinnaaneq ajornartorsiu-taasinnaavoq. Bom-imik qalorsuarsorneq Kalaallit Nunaanni atorneqartanngilaq. Aammalu qalor-suit natersiutit atorneqarsinnaanerat ajornartorsiuteqarfiusinnaavoq, minnerunngitsumik basislii-niap killingani, ikkannerusuni naterissarfiusunilu.